

Pinerluttup aallaavigineqarneranut taarsiullugu siunissami pinerluutigisap aallaavigineqartalernissaa pillugu Kalaallit Nunaani pinerluttulerinermik inatsisip allanngortinneqarnissaa siunertaralugu Naalakkersuisut Naalagaaffeqatigiinni oqartussaasunut atassuteqarnissamut peqquneqarnissaannik inatsisartut aalajangiiffigisassaattut siunnersuut.

(Inatsisartunut ilaasortaq, Bo Martinsen, Demokraatit)

Akissuteqaat

(Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerinninneq

Inatsisartut aalajangiiffigisassaattut siunnersuummut matumunnga, Inatsisinut Ataatsimiititaliap peqqissaartumik suliarinnissimaneranut Naalakkersuisut qutsavigiumavaat.

Kalaallit Nunaanni siunissami eqqartuussiveqarneq pillugu oqallinnerni, aallartereersimasatsinni, iliuutsip tunngavigineqarnera aamma iliuuseqartup tunngavigineqarnera pillugit apeqqutit ilaanissaat, taamaalilluni pinerluttulerinermi inatsimmi tunngaviusumik tunngaviit ataatsimut nalilersorneqarneranni taakku ilaaniassammata, Inatsisinut Ataatsimiititaliap isumaqatigimmagit, Naalakkersuisut nuannaarutigaat.

Eqqartuussiveqarnerup aaqqissuussiffigeqqinneqarnissaanut aallartinneqareersumut piffissaatitap missiliorneqarnera ataatsimiititaliap ugartorpaa. Partiit peqatigalugit ataatsimeeqatigiittarnissanut Naalakkersuisut aggersaareersimapput, taakkunanilu aaqqissuusseqqinnermi pingaarnertut tunngavissat erseqqinnerusumik isumaqatigiissutigineqassapput. Ingerlatseqqinnissami ilaatigut 2026-imi kvartalimi siullermi paasisimasallit gruppiata pilersinneqarnissaa ilaavoq, taakkulu sammisassat, partiit oqaloqatigineqartarnerannit isumaqatigiissutigineqartut suliarissavaat. Paasisimasallit gruppiata ilanngussartik 2026-ip naanerani tunniutissagaat, massakkuugallartoq naatsorsuutigaara, tamatumalu kingorna pinerluttuleringeq pillugu inatsiseqartitsinerup tigunissaa pillugu politikkikkut ingerlatsineq aamma suliniutit allat suliniutigineqassappata, suliniutit allat ingerlaqqissinnaapput. Eqqartuussiveqarnerup aaqqissuussivigeqqinneqarneranik suliaq 2027-imi naammassineqarsinnaasoq, taamaalilluni neriuutigaara. Paasisimasallit gruppiata pilersinneqarneranut atatillugu piffissalersuussineq erseqqinnerusoq saqqummiukkumaarpara, tassami piffissami tassani paasisimasallit gruppiata sammisassat suliarisarisasa annertussusaat aamma tulliusumik politikkikkut pingaarnertut ingerlatsinissaq pillugu samminninnissaq ilisimalersimassavarput, aammattaaq innuttaasunik ilanngussinissaq ilanngunneqartariaqarpoq.

Innuttaasut naapertuilluartoqarneranik misigisimanninnerannik akuersaartoq aamma tunngaviusumik tunngavinnik, naalagaaffimmi inatsisit tunngavigalugit naalakkersugaasumi pigerusutatsinnik, pinerluttulerinermik inatsimmik peqalernissarput, Naalakkersuisunut pingaaruteqarpoq.

Amerlanerusunik oqaaseqaateqaratik siunnersuut aappassaaneerneqarnissaanut
Naalakkersuisut tunniuppaat.